

東華續錄

道光二十四

臣王先謙敬編

臣周潤
淪蕃恭校

秋七月癸丑高郵湖河溢○調林則徐爲江甯布政使陸言爲河南布政使○丙辰以蔣祥墀爲左副都御史

由太常寺卿遷

○戊午命陶

澍偕程祖洛籌辦江蘇災賑並偕張井勘辦漫口隄工○己未命留安徽潘暉正項及鳳陽蕪湖關稅銀五十萬兩備安徽賑需並免各關米稅○辛酉改直隸豐潤霸州營田仍歸地方官經理○己巳命白鎔查勘江南災賑○癸酉諭長齡等奏扎隆阿參奏伊薩克勾結謀逆一案審明盡屬虛誣並究出商同捏造之委員迎合承審之章京及教供誣證之通事回子等按律分別定擬一摺此案已革喀什噶爾參贊大臣扎隆阿身任邊疆重寄於卡外賊

情未能覺察率派滿漢官兵冒昧輕出以致全行陣歿又不將官弁伯克回民等妄爲布置令其併力防堵一任伯克等奔入新城潛匿回城失守轉因民衆浮言將回衆全行拘集遂致兵民乘亂殺掠扎隆阿束手無策已屬罪無可逭迨圍解之後又復姑息奸民聽信劣幕竟敢藉賊匪反間之蜚言捏構疑獄圖陷伊薩克以叛逆重情嗣被參解任仍復撫拾虛詞妄奏肆抵是扎隆阿污蔑伊薩克之罪尙小其以無據之詞妄行入奏欺君罔上之罪爲大本應在軍前卽行正法示衆否則解京廷訊後再行正法實屬罪所應得姑念其在喀什噶爾防堵三月保守城池究有微勞尙可暫寬一綫著照所議斬監候秋後處決歸入明年朝審情實辦理先在阿克蘇枷號兩箇月滿日派委委員解交刑部監禁委員候選同知直隸州周彭齡於扎隆阿奏參伊薩克勾結之事慮及枉

殺多人難以入奏輒任意羅織希圖構成冤獄長齡等擬以發往軍臺效力尙覺情重法輕周彭齡著革職在喀什噶爾枷號一箇月滿日發往伊犁充當苦差以爲劣幕舞文者戒喀什噶爾印房幫辦章京主事職銜金奇賢於安審各回子供證一味迎合任聽通事莫洛人等串供誣指實屬故入人罪照例罪應杖流念其隨同守禦微勞著革職免其治罪喀什噶爾印房章京國子監助教升用同知春祥與金奇賢會同審訊厥罪維均亦著革職喀什噶爾換防總兵多隆武於兵民乘亂殺掠恃衆挾制不能彈壓約束已有應得之咎迨哈喇阿咨詢該總兵輒依托隆阿原奏誣捏各款扶同咨報實屬錯謬多隆武著卽革職參贊大臣哈良阿楊芳草率取供輒行入奏亦屬不合著一併交部議處回子郡王銜阿奇木伯克伊薩克著仍留軍功王爵飭令駐京當差其次子邁瑪

特准其隨帶進京伊長子愛瑪特著仍回阿克蘇阿奇木伯克之任回務章京福奎見經訊明伊薩克並無謀逆情事其前被扎隆阿奏參失察請革職治罪之處著無庸議卽飭令回任供職藍翎千總升任漢中鎮屬守備楊應元於差探旋回時因疑妄果見雖據實供明惟前後供詞較展本應治罪因該弁守城殺賊面受槍傷亦有微勞著拔去監劄降爲把總以觀後效兵丁閻喜詭言有賊致衆人一齊擁進又民人劉漢閻良貴派充民勇頭目不遵禁令不督束衆民著將閻喜革退名籍與劉漢俱發邊遠充軍閻良貴因守禦受傷著減爲杖一百流三千里常奉清俱情始終含混殊屬狡詐著發邊遠充軍劉紹濬李紹庚始以懷疑率請參贊按查嗣後任意妄供亦屬狡詐俱著杖一百徒三年市囑特比把哈提拜占帕拉特訊未從逆且被賊鎖禁用銀贖免乘間投回著酌

加賞資飭令各回游牧回子通事七品明伯克阿布都吉里教供
誣指著革去七品明伯克發給各省駐防官兵爲奴其在喀什噶
爾供證伊薩克勾結之各回子見俱到案供明均著免其置議至
喀什噶爾民衆當賊匪圍城時妄肆浮言搶掠財物濫殺無辜不
法已極本應悉行正法姑念其隨同守城三月尚有微勞著從寬
免死將來分置各處儻有稍滋事端無論所犯何事卽行正法其
無辜被戮之大小伯克著該將軍等查明一併照陣亡例給予卹
典同時被殺之回衆並著確查有無家屬按名照例給予卹賞銀
兩以示優卹○諭軍機大臣等據長齡等奏會籌善後事宜一摺
前將內外諸臣各條奏回疆善後事宜發交長齡嚴議前派玉麟
一同悉心籌酌務期經久可行茲據奏參贊總理八城應請移駐
葉爾羌乃能適中扼要措置咸宜該處地廣戶繁可以多駐官兵

去秋回子用命著有明效該城距喀什噶爾六站外夷進卡接見在不遠不近之間足資控制其幫辦大臣仍照例專管本城事務再將和闐領隊大臣移駐一員隨同參贊就近聽其調遣喀什噶爾卽留換防總兵一員在彼統兵駐守英吉沙爾仍駐領隊大臣一員在於葉爾羌阿克蘇適中之巴爾楚克一帶添調總兵一員統兵駐守以爲樹窩子咽喉鎖鑰添此一鎮則六城相距均不過數百里聲氣易爲聯絡和闐在一隅止留領隊一員足資辦理其滿漢防兵額數請於西四城見有兵六千餘名外再酌留伊犁烏魯木齊馬隊二千名陳甘肅營兵四千名通計原額新增共滿漢兵一萬二千餘名除阿克蘇烏什見各有兵一千二百三百名無庸議增外喀什噶爾擬駐紮營兵三千名以總兵統之作爲前敵防守邊卡如探有卡外情形隨時具報如遇大股賊匪卽稟報參贊

發兵援勦英吉沙爾擬駐伊犁馬隊五百名綠營兵一千名領以
游都佐領等官統歸領隊大臣管轄爲前後二城中權接應巴爾
楚克擬駐綠營兵三千名以總兵統之擇地築堡駐紮和闐僅有
防兵二百餘名擬再添兵二百餘名共足五百名以上各處防兵
均令各該管官認真操練此外滿洲兵二千名漢兵四千餘名擬
令全駐葉爾羌應以副將協領等官分領該參贊等務令加意訓
練合力操防至防兵應需糧餉於各省綠營兵額內暫裁自分之
二每年可節省銀三十餘萬兩所有酌添防兵六千名卽在此項
節省銀內支給尙贏無絀等語均著照所議辦理至所稱新增兵
額酌量隨時抽撤之處究竟將來如何情形方可撤裁及裁撤之
後又將如何辦理始臻妥善必須豫爲籌畫計出萬全見經此次
籌議自必控制得宜賊匪斷不敢遽萌窺伺儼萬一入卡來犯總

要無須內地籌餉調兵方爲妥善必應從長計議庶免撥運之勞而成久遠之道卽屯田一事以回疆物產供回疆兵精均應酌定章程善爲經理將來各城改設各官必須慎揀得力之員以資委任該將軍等久駐回疆該處各員賢否自必深悉著出具切實考語詳晰開單保奏候朕簡放至茶葉大黃等物准其弛禁其遠部落輸忱納款肅霍罕果能獻出賊目請罪投誠再准其通商交易以示羈縻至上年入卡各賊目前次開單交該將軍等按名查拏務須將著名之犯多獲數名不可任其逃匿惟卡外夷情詭詐百出借縋獻賊目爲名妄希重賞切勿受其所愚致爲外夷所笑又喀什噶爾換防總兵多隆武見已革職著卽先行派員署理以重職守○以辦災遲緩降額騰伊爲江蘇按察使以衍慶爲湖北布政使

由江蘇按察使

○丙子頒

御製文初集

○戊寅召薩迎阿來京

調嵩惠爲盛京工部侍郎以舊保爲理藩院左侍郎

由左副都御史遷

○

己卯命穆彰阿朱士彥馳往江南查辦災賑○調鄂順安爲盛京戶部侍郎凱音布爲盛京刑部侍郎○是月給湖南武陵等五州縣貴州桐梓縣石硯備水災口糧貸江蘇江甯等六營災區兵餉展緩直隸冀州等五州縣歉收逋賦倉穀緩徵貴州貴筑縣水衝沙壓田賦

八月庚辰朔諭各督撫慎選州縣查辦災賑並緝拏會匪○己丑賞曹振鏞雙眼花翎○辛卯晉長齡太傅○壬辰諭上年戶部堂官失察蔡繩祖等私辦假照一案吏部等衙門按照本任年月久暫及失察名數多寡分別議以降級調用朕因人數過多一時簡用乏人加恩酌降頂帶分別留任本年因係朕五旬壽慶辰特降旨將各該管堂官頂帶賞還並將降留處分悉予開復各部院

堂官管理事務理宜督飭司員嚴查弊端假照一案書吏營私舞弊自嘉慶二十一年至上年破案時已及十有餘載如果歷任各堂官留心察看燭破其奸隨時懲辦何至經年累月書吏等肆無忌憚所獲贓私難以數計釀成如此重案且彼時如王昶雲巴齡阿盛唐柏凝劉光三等均有條奏之件該堂官等亦應及時儆省覺察嚴加防範乃平日既漫不經心而於有人條奏議定章程之後猶復視爲具文並不嚴飭司員實力奉行似此因循疲玩相習成風實於官常吏治大有關係不可不亟加整頓著通諭各部院堂官嗣後務當振作有爲痛改因循積習除奸剔弊督率司員於應辦公事認真稽覈毋許仍前怠玩任聽書吏等詭法營私致干重咎儻司官中有不實心任事者卽著隨時劾參不得有意姑容遲俟三年京察屆期方行甄別經此次訓諭之後各該堂官如仍

不知振刷精神盡心乃事或存推諉之心或存附和之意捫心自問能無愧乎若仍任聽書吏作奸犯科一經發覺必將各該堂官照部議分別辦理不稍寬貸朕綜理庶政一秉大公各該堂官總當激發天良隨時儆省毋謂寬典之可以屢邀也○乙未松筠以病免調穆彰阿爲兵部尚書富俊爲工部尚書以博啟圖爲理藩院尚書調桂輪爲戶部右侍郎轉那丹珠爲兵部左侍郎調鐵麟爲兵部右侍郎以那彥成爲盛京禮部侍郎○丁酉諭大學士九卿會議整飭各部院註銷章程一摺各部院辦理事件每月兩次造冊赴科衙門註銷職明已完未完各若干件科道月終題奏如有遺漏逾限者參處各部又設立督催所查催各司所辦事件以防積壓其見辦事件按季具奏各部院復於年終赴河南道照刷文卷由河南道彙題必註明有無漏辦難結事件似此層層稽

嚴立法至爲周詳辦承各員果能依限辦竣認真查察何至有積壓未辦之事任令該書吏於註銷時混行填寫且各司收文均有號簿每件之下必註明收文辦稿呈堂行文各日期如果細心查閱自不至遺漏遲延據大學士等奏稱若有專員稽覈自更有所責成著照所議令各部院於各司中揀派滿漢司員各一人專司查覈於文書收發逐件清釐填寫註銷時再爲詳細覈對掌印主稿司員仍不時留心稽察不得以派有專員管理卽置不問其督催所司員又將各司事件按限查催趕辦恐日久視爲具文該科道等必應認真稽察於每月註銷事件年終照刷文卷之時逐條磨對儻有未完事件書吏捏填已完著著隨時參奏懲辦以防延閣而杜弊端○己亥諭朕本年閱看三旗侍衛弓箭因思我朝自發祥以來 列聖垂訓八旗兵丁均以弓箭爲重必應永遠遵行

於平時勤加訓練使知激勵方足以感動旅而資捍衛見在八旗都統副都統均係朕宗支親屬信任大臣如果認真整頓俾兵丁咸能得力卽養育兵閒散人等亦均知所觀感八旗營務自然日有起色該都統等盡心職守克副倚畀不獨朕知人善任深爲嘉悅卽該都統等亦覺與有光榮近因承平日久武備漸就廢弛各都統等於挑選披甲時往往計及於兵丁家口並不視弓箭之優劣爲去取殊不知兵餉之設原以養有用之兵並非養贍貧乏戶口各旗披甲均有應行練習差使與養育之調劑生計者不同顧名思義自不應以技藝平常庸懦無能者濫行挑補虛糜帑項且遇缺挑選隨時可以整頓並非另立操練章程何難實力奉行各省駐防兵丁固須悉心校閱八旗拱衛神京關繫尤重不可不加意講求著通諭八旗都統等嗣後遇有披甲缺出務當認真考驗

必須弓力較強箭有準頭者方准挑補不得藉口調劑以致有名無實並著查旗御史於各旗挑缺時留心查察如該都統等意涉瞻徇所挑之兵仍有弓箭平常者卽行據實嚴參其各省駐防挑缺時並著該將軍等一體遵照均以弓箭爲重以副朕講明武備訓勵旗人之至意○辛丑 上諭 黑龍潭祈雨○壬寅諭用人行政全在賞功罰過一秉大公方足以示勸懲本年春間因那彥成上居在喀什噶爾辦理善後事宜不能妥善行之未及二年又有逆回滋擾之事降旨將那彥成革職昨因那彥成於嘉慶年間曾在軍營出力道光年間兩任總督辦理地方公事均無貽誤且追念伊祖阿桂宣力多年是以推恩後裔仍將那彥成補授盛京禮部侍郎本日據長齡等奏行抵喀什噶爾據哈喇阿壁昌等述知霍罕先後差來頭人密孜依斯邁提毛拉愛克木等三人呈遞

親供申訴五年以來斷絕貿易之苦累總以鈔沒驅逐爲詞懇求
照舊通商等語是上年逆回入卡滋擾實由那彥成嚴禁貿易鈔
沒驅逐安集延所致如果那彥成上屆辦理善後事宜體察情形
籌畫周妥俾逆回各安生業何至激而生變卡外回夷藉口聚眾
入卡滋擾伊身受重恩特奉諭旨前往並不悉心體察以致釀成
事端一年以來勞師糜帑十內回民復遭蹂躪那彥成誤國肇釁
卽照例治罪實屬咎所應得豈可復邀錄用著卽革職以示懲儆
諭軍機大臣等據長齡等奏馳抵喀什噶爾署阿奇木伯克作
霍爾敦率領城莊大小回衆二萬餘人於數十里內夾道歡迎僉
稱感戴皇仁誓不從逆經該將軍等親加慰諭接晤哈喇阿壁昌
等述知霍罕等後差來頭人密致依斯邁提毛拉愛克木等三人
呈遞親供追敘七十餘年通商納貢之悃誠申訴五年以來斷絕

貿易之苦累總以鈔沒驅逐爲詞籲求照舊通商該將軍等以屯兵既久賊目迄無一獲若遽允所請不但霍罕不知感畏並恐卡外諸夷輕視因將該夷使等傳至接見責令縛獻賊目送出裹去民回諭以爾伯克果能遵辦必爲奏懇恩施准令通商納貢該夷使等稟稱尙須遣人回去告知該伯克定奪情願酌留一人候信該將軍等擬照例筵宴酌加賞賚遣令旋回其所留之人交作霍雨敦妥爲管待等語霍罕差人呈遞親供籲求通商果無他意正可趁此責令縛獻賊目送出民回以爲一勞永逸之計著該將軍等俟該夷稟覆到日妥爲辦理據實具奏至善後章程前經該將軍等酌擬大局入奏當即降旨諭令妥籌嚴辦茲據奏於經過各城留心體訪復咨行各該大臣將見行事宜有無格礙應行變通之處確查咨覆一面先將喀什噶爾必應籌辦之事與壁昌等豫

爲商酌仍俟奉到前摺批諭欽遵等語該將軍等悉心籌畫遵
妥議具奏務出萬全毋任稍留後患方臻妥善其上年喀什噶爾
英吉沙爾兩處官弁兵民等困守三月有餘屢次勦殺賊匪以寡
擊衆艱苦備嘗殊堪嘉憫除該將軍等業將守禦出力之兵民酌
加賞賚外仍著確切查明再行覈實具奏候旨施恩所有見在大
營駐紮滿漢官兵應裁撤者卽行裁撤著該將軍等酌量奏明辦
理○調普保爲盛京禮部侍郎以恆格爲理藩院左侍郎由副都統遷
○以保昌爲熱河都統蘇成額爲倉場侍郎吳榮光爲湖南巡撫
調恩特亨額爲湖南布政使以吉恆爲浙江布政使調花杰爲四
州按察使光聰諡爲直隸按察使以鄭祖琛爲福建按察使服闋按察使
○甲辰以德厚爲左副都御史由大理寺卿遷○丁未諭前據松筠奏
稱伊近來腰膝不能得力兩目昏花畫稿手顫且遇事健忘懇請